

Broj: 07-02-1-1389-1/20
Mostar, 11.12.2020. godine

Na osnovu člana 21. stav (3) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15 i 54/19), člana 21. stav (1) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 10., člana 11. i člana 23. stav (1) i stav (2) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 32. stav (3) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), te člana 1., člana 3. i člana 4. Pravilnika o obaveznom udjelu i preuzimanju električne energije proizvedene iz obnovljivih izvora energije („Službene novine Federacije BiH“ broj 99/16), Regulatorna komisija za energiju u Federaciji Bosne i Hercegovine – FERK je, na XX redovnoj sjednici održanoj u Mostaru 11.12.2020. godine, donijela

ODLUKU
o utvrđivanju procenta obaveznog udjela električne energije proizvedene iz obnovljivih izvora energije za 2021. godinu

Član 1.

Procenat obaveznog udjela električne energije proizvedene iz obnovljivih izvora energije koji su obavezni preuzeti svi snabdjevači koji snabdijevaju krajnje kupce u Federaciji BiH i kvalifikovani kupci koji uvoze električnu energiju za vlastite potrebe za 2021. godinu iznosi 10,50%.

Član 2.

Ova odluka stupa na snagu danom donošenja, te se objavljuje na oglasnoj tabla i internet stranici FERK-a, a dispozitiv ove odluke i u „Službenim novinama Federacije BiH“.

O b r a z l o ž e n j e

Članom 23. stav (1) i stav (2) Statuta FERK-a propisano je da FERK donosi opšte i pojedinačne akte, te da su opšti akti FERK-a neophodni za njegov rad, doneseni u skladu sa Zakonom o električnoj energiji u Federaciji Bosne i Hercegovine, Zakonom o korištenju obnovljivih izvora energije i efikasne kogeneracije, Zakonom o naftnim derivatima u Federaciji Bosne i Hercegovine, tom Statutom i drugim zakonskim i podzakonskim aktima.

U skladu sa članom 32. stav (3) Poslovnika o radu FERK-a, odlukom se uređuju pojedina pitanja iz oblasti energije u skladu sa zakonom i donose opšti akti FERK-a, kao i akti poslovanja FERK-a kao pravnog subjekta u pravnom prometu.

Članom 21. stav (1) Zakona o korištenju obnovljivih izvora energije i efikasne kogeneracije propisano je da su svi kupci i snabdjevači električne energije u Federaciji BiH obavezni preuzeti dio električne energije proizvedene korištenjem obnovljivih izvora energije u skladu sa tim zakonom i aktima FERK-a. Stavom (3) istog člana propisano je, između ostalog, da Pravilnik o obaveznom udjelu i preuzimanju električne energije proizvedene iz obnovljivih izvora energije,

između ostalog, propisuje obaveze i procedure preuzimanja minimalnih količina električne energije proizvedene u postrojenjima iz obnovljivih izvora energije i efikasne kogeneracije, svih snabdjevača i kvalifikovanih kupaca, na godišnjem nivou, te da su svi kupci i snabdjevači električnom energijom u Federaciji BiH obavezni u skladu sa tim zakonom otkupljivati od kvalifikovanih proizvođača svu proizvedenu električnu energiju po referentnoj cijeni, a sve do uspostavljanja tržišta obnovljivih izvora energije i ispunjavanja kvota koje se odnose na obavezujuće ciljeve zakona. U vezi sa navedenim, članom 3. navedenog Pravilnika o obaveznom udjelu i preuzimanju električne energije proizvedene iz obnovljivih izvora energije propisana je obaveza preuzimanja dijela električne energije proizvedene korištenjem obnovljivih izvora energije, u skladu sa zakonom i tim pravilnikom, za sve snabdjevače koji snabdjevaju krajnje kupce i kvalifikovane kupce koji uvoze električnu energiju za vlastite potrebe. Članom 4. istog pravilnika propisano je da procenat obaveznog udjela električne energije proizvedene iz OIE koji su obavezni preuzeti snabdjevači i kvalifikovani kupci iz člana 1. tog pravilnika utvrđuje FERK do 15. decembra tekuće godine za narednu godinu, na osnovu Akcionog plana za korištenje obnovljivih izvora energije u Federaciji BiH (u daljem tekstu: APOEF), Bilansa energetske potrebe Federacije Bosne i Hercegovine, odnosno podataka o godišnjim planovima proizvodnje električne energije kvalifikovanih proizvođača i potrošnje električne energije krajnjih kupaca iz FERK-ovog Pravilnika o izvještavanju za imaoce dozvola za snabdijevanje električnom energijom – dozvola II reda, nezavisne i kvalifikovane proizvođače i Operatora za OIEiEK, prema formuli:

$$P_{OU} = \frac{PPR_{KP}}{PPO_{KK}} \quad (\%)$$

gdje su: POU - procenat obaveznog udjela preuzimanja električne energije proizvedene iz OIE, PPR_{KP} - planirana godišnja proizvodnja električne energije kvalifikovanih proizvođača i postrojenja u probnom radu koja proizvode električnu energiju iz OIE, kojima se električna energija otkupljuje po garantovanoj ili referentnoj cijeni, PPO_{KK} - planirana godišnja potrošnja električne energije krajnjih kupaca u Federaciji Bosne i Hercegovine. Navedeni procenat služi snabdjevačima krajnjih kupaca i kvalifikovanim kupcima koji uvoze električnu energiju za vlastite potrebe, kako bi mogli planirati sredstva za nabavku propisanih količina električne energije iz obnovljivih izvora energije i utvrđuje se na osnovu planskih veličina.

FERK je utvrdio procenat obaveznog udjela električne energije proizvedene iz OIE koji su obavezni preuzeti svi snabdjevači koji snabdjevaju krajnje kupce u Federaciji BiH i kvalifikovani kupci koji uvoze električnu energiju za vlastite potrebe kao odnos planirane proizvodnje električne energije u 2021. godini kvalifikovanih proizvođača i postrojenja u probnom radu koja proizvode električnu energiju iz OIE, kojima se električna energija otkupljuje po garantovanoj ili referentnoj cijeni u iznosu od 667,669 GWh i planirane potrošnje električne energije krajnjih kupaca u Federaciji Bosne i Hercegovine u 2021. godini u iznosu od 6.356,727 GWh. Kako Bilansa energetske potrebe Federacije Bosne i Hercegovine za 2021. godinu još uvijek nije usvojena, pri izračunu procenta obaveznog udjela korišteni su raspoloživi podaci imalaca dozvola iz FERK-ovog Pravilnika o izvještavanju za imaoce dozvola za snabdijevanje električnom energijom – dozvola II reda, nezavisne i kvalifikovane proizvođače i Operatora za OIEiEK, te izvještaji dva javna elektroprivredna preduzeća.

Na osnovu svega naprijed navedenog, odlučeno je kao u dispozitivu odluke.

PREDSEDNIK FERK-a
Jasmin Bešo

Dostaviti:

- Sektoru za tarife i tržište